

廿二史考異

舊唐書二

廿二史攷異五十八

錢大昕學

禮儀志二

頴客釋例亦云 客當作容

司禮博士壁間仁誥 壁當作辟誥當作謂

詔將作大匠康訥素往東都毀之 新史牛仙客傳高

力士言仙客本胥史非宰相器帝忿朕曰朕且用康

訥蓋卽此人此云訥素而彼單名訥疑彼傳誤

禮儀志四

詔史記古今人表元元皇帝昇入上聖 漢書有古今

攷異

舊唐書二

人表此詔云史記者詞臣之不學也老子本在第四等今升入第一等

禮儀志五

修奉使宰相鄭延昌具議 按延昌以昭宗景福元年三月拜相而修奉太廟之役乃在僖宗光啓三年其時延昌未爲宰相也僖宗紀殷盈孫傳及此志皆稱宰相蓋史家追稱之

遂以三太后祔禘太廟達禮者譏其大謬至今未正

按舊史成于石晉之世唐之太廟久廢矣至今未正之語蓋後唐史臣之詞也又按舊志十二門惟禮儀

志頗及僖昭兩朝音樂志亦載昭宗朝一事五行志
有大順二年一條其餘所載俱止於宣宗朝咸通以
後則畧而不書

音樂志一

皇帝受朝奏政和 此祖孝孫所定十二和之名也新
志則云正和皇后受冊以行與此異攷開元禮朝賀
儀無奏政和之文惟皇后受冊儀云典樂舉麾奏正
和之樂則此志誤也冊府元龜載後漢張昭改十二
和爲十二成議云皇帝受朝皇后入宮奏正和請改
爲展成然則皇帝受朝下當有皇后入宮四字此志

脫去又譌正爲政耳

穆宗廟樂請奏和寧之舞敬宗廟樂請奏大鈞之舞文宗廟樂請奏文成之舞武宗廟樂請奏大定之舞

按憲宗以前廟樂俱載奏請之年此穆宗四廟樂獨闕之宣宗以後并樂舞名史家亦失之矣

音樂志二

齊隆昌時女巫之子曰楊旻旻隨母入內及長爲后所寵 南史作楊珉之

童謡云楊婆兒共戲來而歌語訛遂成楊伴兒 按南史何淵爲文惠太子作楊時歌辭甚側麗袁廓之諫

曰夫楊畔者既非典雅而聲甚哀思殿下當降意蕭
韶奈何聽亡國之響楊畔卽楊伴也文惠太子時已
有此歌則其來久矣謂始于隆昌時者後人附會之
詞也

謂之坎侯聲譌爲竽篪 坎空聲相近故坎亦訓空後
人又加竹於空侯字

音樂志三

懿宗孝敬皇帝室 懿當作義

明慶中皇后親蠶 明慶卽顯慶也唐人避中宗諱易
顯爲明舊史俱改從本號惟此志及職官刑法志三

見明慶字柳夷傳亦有明慶三年之文

五行志

今朝廷怪異雖則多矣然皆仰知陛下天光 此語不可解當有舛謫據新史宋務光傳云今朝廷賢佐雖多然莫能仰陛下清光蓋用鼃錯之語也

地理志一

又於邊境置節度經畧使凡節度使十經畧守捉使三
此所述者開元之制而職官志云天寶中緣邊禦
戎之地置八節度使似乎互 攷安西北庭二鎮天
寶中嘗合爲一而嶺南則至德已前初無節度之名

或云十節度或云八節度志家各據所見言之耳杜氏通典州郡篇稱節度使十職官篇稱開元中凡八節度其云磧西者卽安西而不別出北庭之名舊史蓋本於此唐六典凡天下節度使有八一朔方二河東三幽州四河西五隴右六劍南七磧西八嶺南蓋併平盧幽州爲一磧西北庭爲一也

要衝大郡皆有節度之類寇盜稍息則易以觀察之號按乾元已後節度使皆兼管內觀察處置使或不置節度則觀察使亦帶團練防禦之職觀察治民事節度防禦團練皆治軍事惟權任有輕重耳非易節度爲觀察也

東都畿汝防禦觀察使 自東都畿至安南凡四十四

鎮蓋據大和中方鎮言之元和二年李吉甫撰國計

簿云總計天下方鎮凡四十八開成元年王彥威進

所撰供軍圖畧云至德乾元之後迄于貞元元和之

際天下有觀察者十節度二十有九防禦者四經畧

者三據此志凡三十二節度七觀察

東都畿帶防禦
嶺南西道帶經

畧
三防禦二經畧也

乾符之後天下亂離禮樂征伐不自朝廷禹迹九州瓜

分爵剖或併或析不可備書 據此文則僖昭以後

州縣更改例不當書於志矣而天祐初改陝州爲興

德府乾符元年更魯城縣曰乾符景福元年復於弓
高置景州天祐五年移州治於東光縣景福二年於
無極縣置祁州龍紀元年以樓煩監牧地置憲州仍
復書之此義例之未盡一也

隋京兆郡領大興長安新豐南鄭華陰藍田鄠盩厔始
平武功上宜醴泉涇陽雲陽三原宜君同官華原富
平萬年高陵二十二縣 按隋京兆郡無南鄭縣南
上當有渭字渭南一縣鄭又一縣合之方盈二十二
之數又華州篇云義寧元年割京兆之鄭縣華陰置

華山郡

卽華州

此亦失書

改雍州爲鳳翔縣 州字衍

其年改爲新秦郡 秦當作秦下文新秦同

領洛鄭熊穀嵩管伊汝管九州 此兩管字必有一誤

絳州之恒縣來屬 恒當作垣下同

領浚儀新里開封封邱等五縣 此脫一縣

管豫道真輿息舒五州 真字疑衍

七年改爲都督府廢輿道舒息四州 以下文攷之道

舒息三州皆廢於貞觀元年非武德七年也

濟州領盧平陰長清東阿陽穀范八縣 八當作六

天寶元年改爲河陽郡乾元元年復爲濟州十三載六

月一日廢濟州盧長清平陰東阿陽穀等五縣並入
鄆州 河陽當爲濟陽字之譌也乾元紀元止于三
年此云十三載者蓋天寶之十三載也且天寶中已
罷濟陽郡矣何緣乾元初復爲濟州乎此差謬之顯
然者

武德四年置海州總管府領連環東楚四州 四州者
併海州言之連上當有海字攷楚州篇云武德四年
於山陽縣置東楚州盱眙縣置西楚州又置總管於
西楚州管東楚西楚此又以東楚爲海州總管府所
領似自相矛盾矣

攷異

卷之二十一

六

領胸山龍沮新樂曲陽汴陽原邱懷仁利城祝其九縣

原邱當爲厚邱之譌

六年改新樂爲祝其 按新樂祝其皆在海州所領九縣之數今改新樂爲祝其則祝其必先廢矣而志却失書

廢環州及龍沮祝其曲陽虞邱利城六縣 虞邱亦厚邱之譌六當作五

汴陽漢虞邱縣 虞當作厚

泗水漢下縣 下當作卞

於下縣古城置泗水縣 下當作卞

符離漢縣隋治朝解城貞觀元年移治行邑城 行邑

當作竹邑

新秦漢東新秦縣晉去東字 按漢志無東新秦縣魏

收志新秦魏置晉屬泰山則此縣曹魏所置也

臨濟漢之管縣 管當作管

領益都臨朐臨淄殷陽 殷陽疑是般陽之譌下同

益都漢縣在今壽光縣南十里故益都城是也北齊移

入青州城北門外爲治所 按漢志無益都縣蓋曹

魏所置今移治青州城卽東陽城也

厭次漢當平縣 當平蓋富平之譌

地理志二

襄陵後魏擒盛縣 本擒昌縣此改昌爲盛蓋史臣避

後唐廟諱

平遙漢平陶縣後魏廟諱改陶爲遙 按魏世祖諱燾

與陶同音故改平陶爲平遙 虞陶爲虞遙 魏收志不言改名之由當依此志補之

太谷武德三年置太原州 原字衍

六年州廢以太谷隸并州 邠當作却

五臺漢慮虎 虎當作廐

貞觀十五年楊鉢爲監牧使 貞觀新志作貞元此誤

臨清漢清泉縣後魏改爲臨清 清泉水清淵唐人避

諱改攷魏收志清淵臨清二縣並屬陽平郡則非改

清淵爲臨清矣或太和之世分清淵置臨清後來省

清淵入臨清耳

隋於漢南蠻故城 蠻當作緜

樂城漢開縣 開當作闕下同

置陸澤縣於古鄆城鄆漢縣 鄆當作鄆

饒安漢平童縣 平童蓋干童之譌

定州漢縣屬平原郡 漢無定州縣州治安喜亦非平

原郡地蓋轉寫之譌

五里
領易涑水永樂遂城道五縣五年割道縣置北義州
廢以道來屬 道蓋迺字之譌

容城漢縣屬涿郡改爲道縣 道當作迺下同

涑水漢道縣 道當作迺

東城漢東州縣 東當作東

神龍元年改屬唐興縣 屬當作爲

檀州後漢奚縣 當云漢儁奚縣文誤耳

漢葭萌縣地屬爲漢壽縣 屬當爲蜀

管鄧浙郾苑溝新宏等七州 浙當作浙苑當作宛溝

未詳

廢苑州以南陽來屬 苑當作宛

漢南陽郡以苑爲理所 苑當作宛

漢南陽郡所治苑縣也 苑當作宛下同

新野漢縣屬南陽郡晉於縣置義州 按晉無義州必

轉寫之譌

內鄉漢浙縣地 浙當作浙下同兩漢志本作析

領北陽慈邱平氏顯岡四縣 北陽當作比陽

北陽漢縣屬南陽郡 北陽當作比陽下同

北水出縣東 北水亦比水之譌

方城前漢堵陽縣屬南陽郡後漢改爲順陽 按順陽

前漢爲博山侯國與堵陽非一地水經注始誤以順陽爲堵陽而唐人因之

襄陽漢春陵縣屬南郡 當云屬南陽郡脫陽字

武德四年置郢州於長壽縣置京山藍水二縣屬焉

按京山縣下云武德四年置温州領京山富水二縣豈有一京山而隸兩州之理其必有誤審矣今以荆州篇前後參校知武德初温州治京山郢州所領之京山當爲章山之譌且武德四年初置章山縣本隸基州七年廢基州乃以章山屬郢州此云武德四年置郢州卽置章山來屬亦非也

又廢郢州以長壽屬郢州京山屬荊州 郢當作都京

當作章

宜城漢郢縣 郢當作卽

貞觀元年廢郢州以京山來屬 京當作章

又省京山入長林 京當作章

自下牢鎮移治陸抗故壘 新志作步關壘

地理志三

揚州置大都督督越揚和滁楚舒廬壽七州 越字衍

越州治會稽與江都遠不相及非揚州所能督也

江陵貞觀十八年分江都置 江陵當作江陽

攷異

舊唐書卷二

十

晉置秦州北齊爲秦州 秦當作秦

楚州隋江都郡之南陽縣 南陽當作山陽

慎漢後道縣屬九江郡 後道當作浚道

管黃斬亭南四州 南下脫司字

於孝昌縣置環州 環當作環

管環應二州 環當作環下同

置環州領孝昌環陽二縣 環當作環下同

宿松武德四年置嚴州 按是年又於桐廬縣置嚴州

同時有兩嚴州也

信安 按咸通中更信安縣曰西安志失書

盈川如意元年分龍邱置 按元和七年省盈川入信安志失書

如意元年分桐廬縣之四鄉置盛武縣 盛武新志作武盛

繁漢縣屬丹陽郡晉同醫縣 按晉無同醫縣當是音字之譌謂夥音近醫耳縣字衍

閩漢治縣 治當作治下文治縣東治縣皆治字

建安漢治縣地 治當作治

涇武德三年置猷州 新志武德三年置南徐州尋更名猷州此失書置南徐州一節

廣德漢故漳縣 漳當作鄣

以犯肅宗諱改爲鍾陵 肅宗當爲代宗

太和武德五年置南州 南下脫平字

安福 按武德五年於縣置潁州七年州廢志失書

至德至德二年九月中丞朱若思奏置 按池州有至

德縣至德二年析置而江州又有至德縣蓋一縣而

重出也攷新志至德縣本析鄱陽秋浦置鄱陽隸江

州則至德亦當隸江州矣乾元元年改隸饒州永泰

元年置池州始以縣來屬志于漣江二州兩見而不

著改隸之由後人遂疑有兩至德矣又按唐時以年

號名縣者雍州之乾封洛州之登封涼州之天寶池
州之至德潤州之上元楚州之寶應道州之大歷滄
州之乾符宋時以年號名縣者光化軍之乾德顛州
之興國邠州之淳化開封府之咸平祥符彭州之崇
寧處州之慶元平江府之嘉定以年號名府者紹興
慶元嘉定咸淳以年號名州者太平與興國也

常寧吳分來陽置新寧縣 來陽當作耒陽

安鄉漢潯陵縣地 潯當作辱下同

江華漢馮涿縣 涿當作乘

召州隋長沙郡之召陽縣 按召州召陽召陵字它史

攷異

卷之三十一

十一

皆作邵獨此志無邑旁

先天元年改爲盈川 此別一盈川楊炯爲盈川令乃
衢州之盈川非此地

巫州 大歷五年改名敘州志失書

業州 大歷五年改名獎州志失書

後漢分獠道立南安郡 獠道當作獠道

龍支漢尤吾縣 尤當作允

後漢改爲龍耆縣 按續漢志未見改允吾爲龍耆之

文

貞觀五年置米州及米川縣十年州廢縣屬廓州 按

新志州廢縣隸河州永徽六年屬廓州此志蓋有脫
文也

福祿漢舊縣屬酒泉郡今縣漢樂緜縣地按漢時木
名祿福其改爲福祿當在晉以後而史無明文樂緜
當作樂涇

晉昌漢寘安縣屬燉煌郡寘水名按兩漢志敦煌郡
有冥安縣應劭云冥水出北入其澤此作寘誤也

地理志四

唐置黨州失起置年月新志永淳元年開古黨洞置
田州失廢置年月疑是開元中置新志開元中置貞

元二十一年廢後復置

山州失起置年月天寶元年改爲龍池郡 此州不見

於新唐志愛州之崇平縣武德五年置山州領岡山

真潤古安西安建功

新志作建初

五縣此別一山州貞觀

元年已省入愛州矣

職官志

門下侍郎中書侍郎舊班正四品上大歷二年升 此

二職已見正三品而正四品上階又列之且志所列

官品乃據永泰元年之品如侍中中書令大歷二年

升二品御史大夫會昌二年升三品御史中丞會昌

二年升四品諫議大夫會昌二年升五品皆在承秦
以後故志但書其初品獨此二職乃自紊其例疑後
來校書者竄入也

節度使一人副使一人行軍司馬一人判官二人掌書
記一人參謀無員數隨軍囚人皆天寶後置檢討未
見品秩 按節度采訪觀察防禦團練經畧招討諸
使皆無品秩故常帶省臺寺監長官銜以寄官資之
崇卑其僚屬或出朝命或自辟舉亦皆差遣無品秩
如使有遷代則幕僚亦隨而罷非若刺史縣令之有
定員有定品也此外如元帥都統鹽鐵轉運延資庫

諸使無不皆然卽內而翰林學士宏文集賢史館諸職亦係差遣無品秩故常假以它官有官則有品官有遷轉而供職如故也不特此也宰相之職所云平章事者亦無品秩自一二品至三四五品官皆得與聞國政故有同居政地而品秩懸殊者罷政則復其本班蓋平章事亦職而非官也志謂節度等檢校未見品秩似未達于官制

經籍志

甲部九曰圖緯以紀六經識候十日經解以紀六經識候十一曰詁訓以紀六經識候 按經解詁訓與圖

緯各自爲類何得蒙上六經讖候之文攷唐六典秘書郎掌四部之圖籍甲部其類有十乙部其類十三景部其類十四丁部其類三此志全采其文惟六典甲部祇有易書詩禮樂春秋孝經論語圖緯小學十門其五經異義等部并入論語類此志增入經解詁訓二門當闕其文而校書者妄益之耳

長春秋義記一百卷梁簡文撰 春字衍

晉陽春秋二十二卷邵粲撰 春字衍

崇安記二卷周祇撰又十卷王韶之撰 崇安本是隆安晉安帝年號也母嬰撰錄在開元中避明皇諱改

隆爲崇

帝王代記十卷皇甫謐撰 代本世字避諱改郭頌魏
晉代語何集續帝王代記虞茂代集鄭代翼集皆以
代爲世

晉崇寧起居注十卷 崇寧當爲崇安卽隆安也隆安

紀元在寧康太元之後元興義熙之前此下又有晉
崇安元興大亨副詔八卷可證崇寧爲崇安之譌

四人月令一卷崔寔撰 此與賈思勰齊人要術皆避
諱改民爲人也

江智泉集十卷 本名智淵避諱改

邱泉之集六卷 本名淵之避諱改

凡七萬餘卷蓋佛老之書計於其間 謂梁元帝江陵所收書并佛老二家計之得七萬餘卷也

食貨志

水部郎中姜行本請于隴州開五節堰引水通運許之行本傳不載此事亦不云爲水部郎中是其闕漏王播奏商人于戶部度支鹽鐵三司飛錢謂之便換三司之名始見於此

刑法志

於是太尉趙國公無忌司空英國公勣尚書左僕射兼

太子少師監修國史燕國公志寧 却掃編舊制宰

相官僕射以上敕尾不書姓蓋用唐故事也志寧以
僕射不書姓無忌勣官三公又在僕射之上故亦不
書姓尚書唐紹以下則皆書姓矣然上文左僕射于
志寧右僕射張行成下文左僕射劉仁軌右僕射戴
至德却又書姓此史臣增入非敕文元本也

舊唐書三

廿二史攷異五十九

錢大昕學

后妃傳

元宗楊貴妃 國忠二男暄妃弟鑑皆尚公主 按

楊國忠傳暄尚延和郡主暄尚萬春公主不皆尚公主也新史公主傳不載楊鑑名蓋亦郡主非公主矣楊氏一門尚二公主二郡主 二公主謂筠尚太華公主暄尚萬春公主也暄尚延和郡主鑑亦尚郡主故有二郡主之稱

號國男裴徽尚代宗女延安公主 按公主傳肅宗女

攷異

舊唐書三

一

部國公主始封延光下嫁裴徽此云代宗女者誤也
延安延光未知孰是

肅宗張皇后 去盈尚元宗女常芬公主 新公主傳
作去吝

憲宗懿安皇后郭氏 昭愍暴殞 按本紀史臣論或

稱廟號或稱諡元和以後皆稱諡憲宗曰章武穆宗

曰文惠敬宗曰昭愍文宗曰昭獻武宗曰昭肅宣宗

曰祿文懿宗曰恭惠僖宗曰恭帝

當云
恭定

中傳論亦多

稱諡者若紀傳敘事之文則皆稱廟號惟昭愍之諡
則列傳屢見之如郭后傳昭愍暴殞王后傳昭愍崇

重母族郭貴妃傳及昭愍遇盜宮闈變起于休烈傳
昭愍初卽位張又新傳昭愍初卽位熊望傳昭愍嬉
游之隙學爲歌詩事未行而昭愍崩崔師傳昭愍卽
位韋處厚傳昭愍狂恣屢出畋游杜元穎傳昭愍卽
位龐嚴傳昭愍卽位趙宗儒傳昭愍晏駕刊本誤
作昭肅李
逢吉傳昭愍卽位裴度傳昭愍皇帝聞之嗟悅累日
昭愍愕狀省悟昭愍雖少年昭愍欲行幸洛陽李德
裕傳昭愍皇帝童年纘歷昭愍遇盜是也亦有一篇
之中互見者如郭后韋處厚傳先稱敬宗後稱昭愍
李逢吉傳前後稱敬宗而中稱昭愍李德裕傳前後

稱昭愍而中稱敬宗推原其故或係晉代史臣避諱
稱諡後來校書者依例更改而改之又不盡也至如
蕭俛傳前稱憲宗而後云穆宗乘章武恢復之餘白
居易傳前後稱憲宗而中云章武皇帝李德裕傳前
稱武宗而後云昭肅棄天下此類偶一見之蓋史臣
雜采它書稱謂之間未及整理也

既而宣宗繼統卽后之諸子也恩禮愈異于前朝大中
年崩于興慶宮 懿安暴崩新史以爲宣宗之志此
云恩禮愈異于前朝又極稱其福壽隆貴與新史正
相刺謬新史本於宋敏求實錄實錄又本於裴廷裕

東觀奏記未必可盡信也

殷嶠傳

貞觀十七年又與長孫無忌唐儉長孫頤德劉宏基劉政會柴紹等十七人俱圖其形于凌煙閣 按長孫無忌傳云圖畫二十四人尉遲敬德傳亦同此云十七人誤

屈突通傳

力屈而至爲本朝之辱以愧相王 按六朝以後丞相封公稱相公封王則稱相王是時高祖以唐王領大丞相故有相王之稱或疑爲代王之譌非也

攷異

長孫無忌傳

令圖畫無忌等二十四人於凌煙閣 據詔書自趙國

公無忌至胡國公秦叔寶數之止二十三人新史秦

叔寶傳亦同蓋脫申公高士廉一人

士廉傳貞觀十七年詔圖形凌

閣

王珪傳

崇基孫旭開元初爲左司郎中兼侍御史 按酷吏篇

已有王旭傳而珪傳末又附見旭事一百六十餘言

列傳第五十一卷已有王求禮傳而忠義傳又列之

列傳第一百廿一卷已有張仲方傳而張九齡傳未

又附出二百六十餘言文苑篇已有蕭穎士傳而韋述傳又附出七十餘言

姚思廉傳

并推究陳事刪益博綜顧野王所修舊史 博綜當是

傅縡之謫

令狐德棻傳

與侍中陳叔達等受詔撰藝文類聚 按新藝文志此書列歐陽詢名又注云令狐德棻袁朗趙宏智等同修不及叔達名

魏史既有魏收魏彥二家 魏彥當作魏瓘

有詔改撰晉書房元齡奏德棻令預修撰當時同修一十八人 新志云房元齡褚遂良許敬宗來濟陸元仕劉子翼令狐德棻李義府薛元超上官儀崔行功李淳風辛邱馥劉引之陽仁卿李延壽張文恭敬播李安期李懷儼趙宏智等修實二十一人

孔穎達傳

十八年圖形于凌煙閣讚曰道光列第風傳闕里精義霞開拔辭騰起 按穎達不在凌煙功臣之列且凌煙功臣亦無讚詞此傳所載者當是褚亮所撰十八學士圖讚語誤以爲凌煙閣且十八學士讚見于舊

史者惟姚思廉與顏達二人

蘇世長傳

令於獸門館讀書 獸門卽虎門避唐諱改

太宗諸子傳

中興初進封成王 此卷中興字屢見高祖諸子魯王
靈夔江王元祥篇亦有中興字文苑傳劉允濟富嘉
謨篇亦有中興字皆謂中宗神龍初也豆盧瑑趙隱
盧簡求王銘傳所云中興則指後唐莊宗言之

永崇中坐與庶人賢通謀降封零陵王 永崇卽永隆
史臣避明皇諱追改舊史惟此傳一見

攷異

舊唐書三

五

韋挺傳

以人部侍郎崔仁師爲副使 唐初民部爲六部之一

高宗卽位改爲戶部避太宗名下一字也此改民部
爲人部亦史臣追書段平仲傳云隋人部尚書段達
六代孫

柳澤傳

敢有常舞于宮 澤上疏在睿宗時不當回避恒字此
云常舞于宮常于游畋蓋穆宗以後史臣追改

傅仁均傳

貞三元之法一百八十去其積歲武德元年戊寅爲上

元之首 按三元甲子之說始于遁甲九宮每歲行一宮九歲而徧六十歲未復其初必轉三甲子而後終九宮之局仁均既以武德戊寅爲上元則隋仁壽四年甲子爲上元矣今蘇州虎邱寺有五代顯德五年石幢後題下元甲子歲在戊午依檢仁壽四年甲子爲上元則麟德元年甲子爲中元開元十二年甲子爲下元興元元年甲子又爲上元會昌四年甲子爲中元天祐元年甲子爲下元顯德戊午尚在下元篇也

李淳風傳

并演齊人要術 齊人卽齊民避諱改

劉仁軌傳

史臣韋述曰 劉仁軌裴光庭傳末俱引韋述史論而

後別有總論馬燧傳末亦引史臣語而後別有總論

列傳第九十六卷則有論無讚

薛播等

裴行儉傳

斬伏念及溫傳于都市行儉歎曰渾濬前事古今恥之

但恐殺降之後無復來者因稱疾不出 此語又見

裴炎傳

張文收傳

制景雲河清樂名曰燕樂奏之管絃爲樂之首今元會
第一奏者是也 此卷蓋沿韋述所撰唐書之文故
唐紹徐有功傳俱稱明皇爲今上此傳云今元會第
一奏亦開元史臣之詞也下卷澤王上金傳亦有今
上字

高宗諸子傳

高宗八子二王早世爲武后所斃者四人 二王早世
謂原王及孝敬皇帝也章懷太子燕澤許三王皆爲
武后所戕攷肅宗諸子傳李泌言孝敬皇帝爲太子
監國而仁明孝悌天后方圖臨朝乃鳩殺孝敬則孝

敬亦武后所斃而本傳不書未免自相矛盾矣

裴炎傳

留太子哲守京師 此太子謂中宗也於史例不當書

名

韋思謙傳

故孔子曰百姓足君孰與不足百姓不足君孰與足

此有若之言

王方慶傳

時成均博士吳揚善 禮儀志作揚吾方慶駁辟閻仁

誦告朔之議已詳禮志而此傳復敘其事幾五百言

敬暉傳

睿宗卽位追復五王官爵贈暉秦州都督諡曰肅愍

按元和三年追諡張柬之爲文正桓彥範爲忠烈敬暉爲正烈崔元暉爲文忠袁恕己爲正烈舊史五王傳失書

宋璟傳

時易之兄弟皆爲列卿位三品璟本階六品在下座

按璟時爲御史中丞官正四品而階止六品故朝位猶在五品之下易之官麟臺監昌宗官司僕卿皆三品職事官其階亦必三品矣

以官言之正當爲卿若以親故當爲張五 據璟所言
知唐人詩文稱行第者皆親故之稱

張說傳

其先范陽人代居河東近又徙家河南之洛陽 此沿
碑狀之文以史例言之當云河南洛陽人也

才望兼著理合褒升考中上 說以特詔褒升僅得中
上考李渤爲考功員外郎奏御史大夫李絳左散騎
常侍張惟素右散騎常侍李益三人請賜上下考則
唐時上上考蓋不恒有矣

左司郎中陽伯誠 王駿傳有戶部郎中楊伯誠禮儀

志有戶部郎中楊伯成蓋卽一人而字各異今西安府學有大智禪師碑陰記河南少尹陽伯成撰當據碑爲正

魏知古傳

尋改紫微令姚崇深忌憚之 紫微令崇所居之官也
尋改二字衍

盧懷慎傳

時南海郡利兼水陸瓌寶山積劉巨鱗彭杲相替爲太守五府節度皆坐贓鉅萬而死 按唐會要至德二年賀蘭進明除嶺南五府經畧兼節度使自此始有

攷異

節度之號已前但稱五府經畧自此遂爲定額新方
鎮表亦云至德元載升五府經畧討擊使爲嶺南節
度使是天寶已前初無節度之稱此傳云開元已來
四年廣府節度清白者有四謂宋璟裴仙先李朝隱
及魯蓋史家追稱之宋璟傳云轉廣州都督仍爲五
府經畧使李朝隱傳云兼判廣州事充嶺南採訪處
置使俱不云節度也

源乾曜傳

恐代官之咸列 代官謂世官也避諱改

張嘉貞傳

令公四俊苗呂員訓 苗呂員三人皆舉其姓不應崔
訓獨稱名蓋本是苗呂崔員史家不知員讀去聲乃
改崔爲訓顛倒其文以協韻耳

張九齡傳

諡曰文憲 當作文獻

辛替否傳

往者和帝之憐悖逆也 悖逆謂安樂公主也睿宗追
貶爲悖逆庶人

吳兢傳

遷相州長垣縣子 當云遷相州刺史不云刺史者蒙

攷異

舊唐書三

十

上文也長垣上富有封字

高仙芝傳

累勞至四鎮十將諸衛將軍 唐末藩鎮部下有十將

都虞候據此傳則十將之名唐初已有之

段秀實傳以十將張

羽飛爲
招召將

韋堅傳

先是人閒戲唱歌詞云得

丁 反

體

都董 反

紇那也 紇囊得

體歌 按廣韻體蒲本切集韻部本切未聞有都董

之音且都董雙聲不可以成切必轉寫之譌也體从

本其音必與本相近故轉讀爲寶際

楊國忠傳

父珣以國忠貴贈兵部尚書 兵部當作武部今扶風
縣有珣神道碑明皇御製并書題云贈武部尚書可
證也

王琚傳

四哥仁孝同氣惟有太平 武后生子四人睿宗居第
四故明皇稱爲四哥又據王琚傳云臣與新婦情義
絕者二年于茲臣有二孺人又皆爭長恐此三人所
爲也惟三哥辯其罪明皇爲睿宗第三子故諸子稱
爲三哥然則唐時以哥爲君父之稱矣

韋見素傳

加朝散大夫 諸傳多不書散官惟此傳云加朝散大夫
夫加銀青光祿大夫加金紫光祿大夫歸崇敬傳云
加銀青光祿大夫加光祿大夫加特進令狐楚傳云
自朝議郎授朝議大夫牛僧孺傳云加銀青光祿大
夫加金紫階李珣傳自朝議郎進階正議大夫崔鉉
傳加正議大夫累遷金紫光祿大夫此亦例之不一
也

天寶五年 按天寶初改年曰載此傳書天寶五年天
寶十三年誤

李光弼傳

透命郝玉曰爾往擊之玉曰玉步卒也 當作郝廷玉

脫廷字此事又見廷玉傳

臨陣擒其大將徐璜玉李秦授周摯 據此似摯已被擒而下文又云生擒安太清周摯楊希文等前後不相應

高適傳

自元宗還京後於綿益二州各置一節度 按至德二

載置東川節度治梓州綿當為梓字之譌

韋元甫傳

韋元甫 按列傳失書里居者韋元甫衛伯玉閻巨源
孟元陽郝廷玉高固劉栖楚張宿熊望韋貫之鄭綱
唐衢李翱字文籍韋辭烏重裔李祐董重質石雄韓
全義王播徐晦趙宗儒宋申錫高鉞王璠李渤牛僧
孺朱朴鄭縻周利貞韋表微許康佐等以新史證之
則諸人籍貫非盡無可攷也

履武傳

出爲綿州刺史 按房瑄傳武自京兆少尹出爲巴州
刺史

舊相房瑄出爲管內刺史 瑄時爲漢州刺史在成都

節度管內

郭英乂傳

先朝隴右節度使左羽林軍將軍知運之季子也 先

朝二字可省

崔寧傳

大曆十四年入朝遷司空平章事兼山陵使尋代喬琳
爲御史大夫平章事 寧以西川節度入朝加平章
事而未落節鎮此使相非真相故新史宰相表不書
其遷司空亦是檢校司空非守司空故表亦不書

楊炎傳

攷異

書唐書三

七

肅宗就加散騎常侍賜號元靖先生名在逸人傳 按
舊史有隱逸傳無逸人傳而隱逸傳亦無楊播名蓋
亦沿舊文而未刊正也

楊綰傳

故事舍人年深者謂之閣老公廨雜料歸閣老者五之
四 按綰以起居舍人知制誥卽行中書舍人事其
後累遷司勳員外郎職方郎中仍知制誥至是正授
舍人故以爲此得稱閣老也給事中久次者亦稱閣
老杜甫集稱嚴武爲嚴八閣老又有留別賈嚴二閣
老詩賈至爲中書舍人嚴武爲給事中也

崔祐甫傳

祖暉懷州長史父沔黃門侍郎諡曰孝公 沔在孝友
傳彼傳云爲中書侍郎終太子賓客不云爲黃門侍
郎又不及其諡彼傳云沔父暉庫部員外郎汝州長
史此傳云名暉官懷州長史皆互異攷新書世系表
沔父暉安平公非暉亦非暉也暉官徐州司馬非懷
州長史其官汝州長史者名暉不名暉與二傳又相
抵牾

崔植傳

祐甫弟廬江令嬰甫子 上文云祐甫無子遺命猶子

植爲嗣則祐甫與嬰甫當是親兄弟矣據世系表祐甫乃皓之孫沔之子嬰甫則旺之孫滂之子是祐甫嬰甫爲小功昆弟疑表有誤也

裴胄傳

其先河東聞喜人今代葬河南以史例當云河南人裴誥傳云河南洛陽人是其例也

伯父寬戶部尚書有名于開元天寶間此語又見裴誥傳誥爲寬子當刪此存彼彼云禮部尚書此云戶部亦當從彼傳也且列傳第五十卷已有寬傳若以誥胄二人附見篇末則文省而當矣寬傳不及胄

名蓋史局人多彼此失于檢照也

舊唐書四

廿二史攷異六十

錢大昕學

張鑑傳

朔方節度使齊邱之子也。齊邱既未立傳，當云父齊邱，開元中朔方節度使。

蕭復傳

晉王爲襄漢元帥，以復爲戶部尚書、統軍、長史，以復父名，衡特詔避之。元帥府有行軍長史，衡與行同音，故特避之。李賀父名晉肅，論者譏其舉進士，亦其類也。

李揆傳

遷司勳員外郎考功郎中並知制誥扈從劍南拜中書舍人 郎官知制誥蓋始於明皇時

李泌傳

其先遼東襄平人而魏太保八柱國司徒何此字誤弼之

六代孫今居京兆 以史例當云京兆人

李抱玉傳

光弼自將于中澗城 李光弼傳作中潭城且抱玉守

南城事已見光弼傳此亦重出也

盧從史傳

其先自元魏已來冠冕頗盛 此篇首不書里居但言
先代冠冕之盛亦非史例

崔元翰傳

李沂公鎮滑臺辟爲從事 李沂公者李勉也此采用
誌狀之文未合史法

賈耽傳

尋以本官爲東都留守東都畿汝南防禦使 南字衍
姜公輔傳

授左拾遺召入翰林爲學士歲滿當改官公輔上書自
陳以母老家貧以府掾俸給稍優乃求兼京兆尹戶

攷異

曹參軍

唐時翰林學士無品秩但爲差遣故常帶

它官支其俸給公輔本以左拾遺入翰林歲滿改官
乃兼京兆戶曹參軍元和初白居易亦以左拾遺爲
翰林學士及當改官引公輔例除京兆戶曹參軍蓋
拾遺雖爲兩省供奉官秩止從八品京府參軍秩正
七品俸給較厚故恬退者喜居之居易爲左拾遺賦
詩云歲愧俸錢三十萬及兼戶曹賦詩云俸錢四五
萬月可奉晨昏廩祿二百石歲可盈倉廩此實錄也

王鎔傳

僞梁加尚書令及唐室中興去僞尚書令之號 此傳

前云河東節度使李克用虎視山東方謀吞噬後云
唐室中興去偽尚書令之號詞意自相矛盾

劉坪傳

今昌平故里朝廷改爲尉卿司徒里 尉上當有太字

卿當作鄉

李忠臣傳

寶應元年七月拜忠臣太常卿同正兼御史中丞淮

當脫西字十一州節度尋加安州刺史仍鎮蔡州 是歲

先以來瑱爲淮西河南十六州節度使治安州而以

裴茂代瑱鎮襄陽旣而瑱竟不行乃除忠臣爲帥傳

攷異

舊唐書四

三

云加安州刺史則治所亦當在安州矣又據新史方
鎮表是時別有蔡汝節度使韋元元年置本
名豫汝節度大歷八
年始廖則忠臣初授淮西時未得鎮蔡州也

大歷五年加蔡州刺史 淮西節度移治蔡州當在是
年方鎮表在八年未知其審

嚴綬傳

綬在鎮九年以寬惠爲政士馬蕃息境內稱治 按裴
相傳稱綬在太原政事一出監軍李輔光綬但拱手
而已本傳諱而不書

蕭昕傳

遷中書舍人兼揚府司馬佐軍仍舊 孫此則唐時中書舍人亦有帶出外任者而史不多見

杜佑傳

貞元十三年徐州節度使張建封卒其子愔爲三軍所立詔佑以淮南節制檢校左僕射同平章事兼徐泗節度使 據本紀在貞元十六年

裴迥傳

李吉甫自翰林承旨拜平章事 李吉甫傳不云爲承旨

李吉甫傳

父栢筠代宗朝爲御史大夫名重于時國史有傳 按

李德裕傳亦云祖父自有傳然本書却無栢筠傳

權德輿傳

德輿居西掖八年其間獨掌者數歲 唐人稱門下爲

左掖中書爲西掖據六典中書舍人本六人中葉以

後常以它官知制誥行舍人之職德輿以貞元十年

遷起居舍人卽兼知制誥至十八年拜禮部侍郎故

云居西掖八年也至德以後始置翰林學士專掌內

制而中書但掌外制西掖之員漸少乃有一人獨掌

制誥如權德輿者

奚陟傳

時中書令李晟所請紙筆雜給皆不受但告雜事舍人令且貯之 新史百官志舍人以久次者一人爲閣老判本省雜事所謂雜事舍人也

蔣係傳

李德裕用事惡李漢以係與漢僚壻 係與漢皆韓愈之壻

劉昌裔傳

楊琳之亂昌裔說其歸順 當作楊子琳脫子字及琳授洛州刺史 洛當作瀘

高固傳

高祖保永徽中爲北庭安撫使有生擒車鼻可汗之功
官至安東都護事具前錄 此篇蓋沿憲宗實錄之
文故有事具前錄一語俚以右驍衛郎將擒車鼻見
突厥傳

劉迺傳

高祖武幹武德初拜侍中卽中書侍郎林甫兄子也

按宰相表無侍中劉武幹名此必誤也宰相世系表
武幹會寧五州留守 金鄉公

孔殽傳

遷吏部侍郎轉左丞 按韓退之撰殘墓誌云改給事
中權知尚書右丞明年拜右丞與此傳不合韓集有
作左丞者注家定從右而以新舊史爲誤恐未然

上謂裴度曰嘗有上疏論南海進蚶菜者詞甚忠正此
人何在卿第求之度退訪之或曰祭酒孔戣嘗論此
事度徵疏進之 按新書戣爲華州刺史明州歲貢
淡菜蚶蛤之屬戣以爲自海抵京師道路役凡四十
三萬人奏罷之墓誌亦云明州歲貢獨此云南海蓋
史家因其爲嶺南節度使妄益南海字耳此新史之
勝於舊者

攷異

長慶四年正月卒時年七十三 誌作七十四

武元衡傳

曾祖德載 當作載德武后時封潁川王

祖平一終考功員外郎修文館學士事在逸人傳 按

舊史無逸人傳平一事史亦闕之

八年元衡自蜀再輔政時太白犯上相歷執法占者言

今之三相皆不利始輕末重月餘李絳以足疾免明

年十月李吉甫以暴疾卒至是元衡爲盜所害 按

天文志及本紀俱不載元和八年太白星變事且李

絳罷相在九年二月吉甫之卒卽在其年十月傳云

明年亦誤

鄭從讜傳

國之名臣文忠有焉 此傳詞多溢美蓋出於門生故

吏誌狀之文

烏重裔傳

烏重裔潞州牙將也 宰相世系表張掖人

盧簡辭傳

三辟諸侯府 此亦沿誌狀之文當時以方鎮爲諸侯

也李宗閔傳隨牒諸侯府楊授傳釋褐從事諸侯府

李讓夷傳釋褐諸侯府楊嚴傳釋褐諸侯府路巖傳

攷異

累辟諸侯府

王正雅傳

其先太原尹東都留守翊之子 尹當作人不連下讀
伯父翊代宗朝御史大夫 按翊事已附其弟翊傳彼
傳但云爲御史中丞

柳公權傳

拜右拾遺充翰林侍書學士 翰林有侍書書詔學士
惟見於公權傳

殷盈孫傳

昭宗郊祀圓丘兩中尉楊復恭及兩樞密皆請朝服盈

孫上疏 按昭宗紀太常博士錢珣李綽等奏論不及盈孫名

元稹傳

二十四調判入第四等 此試書判拔萃科也四等尚爲優選則上三等尤難得所謂久虛之等也

白敏中傳

懿宗卽位徵拜司徒門下侍郎平章事復輔政 按本紀失載敏中復相事

趙宗儒傳

昭肅晏駕 昭肅當作昭愍敬宗諡也

攷異

舊唐書四

錢徽傳

吳郡人 當作吳興人

文昌面奏言徽所放進士鄭朗等十四人皆子弟藝薄
不當在選中 朗乃宰相珣瑜之子是年重試被落
後竟爲宰相

令狐楚傳

入爲吏部尚書仍檢校右僕射故事檢校官高者便從
其班楚以正官三品不宜從二品之列請從本班優
詔嘉之 僕射從二品尚書正三品唐初檢校官乃
任職而未正授之稱故新史宰相表開元以前檢校

左右僕射侍中中書令者皆與正官同列請代以後
檢校但爲虛銜故檢校之三公三師不入于表令狐
楚以檢校僕射但從正官尚書之班也

牛僧孺傳

以其所管漢陽汝川兩縣隸鄂州 汝當作汭

鄭覃傳

復爲閔孺所排 謂宗閔僧孺也兩字名不宜舉一字
鄭朗傳

長慶元年登進士甲科 是歲錢徽知禮部舉放進士

十四人朗居第一穆宗命王起白居易覆試朗等十

人皆落下此傳書登科而不書黜落失其實矣

李紳傳

高祖敬元則天朝中書令封趙國文憲公自有傳 按

敬元相高宗非武后時本傳又不載其封諡

李珣傳

武宗卽位之年九月與楊嗣復俱罷相出爲桂州刺史

桂管觀察使三年長流驩州 按武宗紀會昌元年

三月貶桂管觀察使李珣端州司馬杭州刺史裴夷

直驩州司戶此武宗卽位之次年也嗣復與珣同時

貶州司馬其貶驩州者乃裴夷而非李珣且爲司戶

非長流傳殆謬矣珽嗣復罷相紀在八月而傳云九月亦不合

李德裕傳

史臣曰臣總角時亟聞耆德言衛公故事 按史局非一人之手而論辭稱臣總角時果何人之語乎且自開運二年史成上溯會昌之末已百年矣蓋沿唐人紀載之詞而未及修正也

嗣襄王煜傳

嗣襄王煜 按舊史不敘煜之世系攷肅宗子僉敬宗子執中俱封襄王新史以煜爲僉之裔孫通鑑亦以

爲肅宗元孫

李宗閔傳

元和四年復登制舉賢良方正科 按本紀裴均傳俱
云元和三年

李讓夷傳

時起居舍人李褒有痼疾請罷官李固言欲用崔球張
次宗鄭覃曰崔球游宗閔之門赤墀秉筆記注爲干
古法不可用朋黨如裴中孺李讓夷臣不敢有纖芥
異論 此事又見鄭覃傳覃傳言起居郎闕據此乃
是起居舍人闕非郎也

崔慎由傳

清河武城人 按崔融傳云齊州全節人而此云清河武城人蓋舉其姓望也

曾祖翹位終禮部尚書東都留守 崔融傳云翹開元

中中書舍人

趙光逢傳

鼎沒於梁累官至宰輔 王筮王處存傳稱梁爲僞梁此傳亦云鼎沒于梁皆後唐史臣之詞

張昺傳

乾符三年出爲華州刺史其年冬檢校吏部尚書鄆州

刺史天平軍節度觀察等使四年卒于鎮 按僖宗紀禘爲天平軍節度使在二年七月此云三年冬似誤也紀稱四年四月黃巢攻鄆州陷之逐節度使薛崇蓋禘卒而崇代之新本紀禘卒于五年乃若承薛崇之後者誤之甚矣

輝王時拜中書侍郎平章事 本紀題哀帝而此傳及司空圖傳稱爲輝王似非史法

王徽傳

其先出於梁魏魏爲秦滅始皇徙關東豪族實關中

此傳敘徽先世首尾二百餘言皆碑狀之縣文於史

例無當也

劉崇望傳

其先代郡人隨元魏孝文帝徙洛陽遂爲河南人八代
祖隋大理卿坦生政會 政會傳在列傳第八卷崇
望先世出於代北當以政會傳

徐彥若傳

父商咸通初加刑部尚書充諸道鹽鐵轉運使遷兵部
尚書四年以本官同平章事六年罷相檢校右僕射
江陵尹荆南節度觀察等使 按懿宗紀咸通六年
二月以御史中丞徐商爲兵部侍郎同平章事四月

轉中書侍郎七年八月兼工部尚書八年十月兼刑部尚書十年正月以門下侍郎兼刑部尚書同平章事徐商檢校兵部尚書江陵尹荆南節度使蓋商以咸通六年入相十年罷相其拜相之初官止兵部侍郎中閒三轉官至罷相出鎮始得檢校兵部尚書耳傳所書拜罷之年及官秩皆誤也

柳璨傳

堯爲中書舍人判史館引爲直學士 按史館無直學士之名蓋引爲直館也唐時三館職事人皆以學士目之史家不察謗爲直學士爾

若循兩省遷轉拾遺超等入起居郎 兩省供奉官拾遺從八品補闕從七品起居郎從六品給事舍人正五品諫議大夫正四品由拾遺敘遷當歷補闕若遷起居郎是爲超等柳璨以拾遺驟加諫議入相越過正從九等

李可舉傳

中和中只官至檢校太尉 僖宗紀廣明元年六月加可舉檢校司徒同平章事唐自中葉以後方鎮以使相爲最榮此傳書檢校太尉而不書平章事是舍重而舉其輕者矣

何進滔傳

累官至司徒平章事 新書宰相表無進滔名蓋檢校
司徒非真司徒也唐會要文宗朝使相五人亦無進
滔名

何宏敬 大中後宣宗務其姑息繼加官爵亦至使相
按武宗紀會昌四年八月以魏博節度使檢校尚
書右僕射同平章事何宏敬進封盧江郡開國公是
宏敬除使相乃在武宗朝非宣宗姑息使然也唐會
要武宗使相四人宏敬已預其一

韞簡傳

遂移兵攻鄆鄆帥曹全晟出戰爲簡所敗死之鄆將崔君裕收合殘衆保鄆州簡進攻其城半年不下河陽復爲諸葛爽所襲簡因欲先討君裕次及河陽乃舉兵至鄆君裕請降尋移軍復攻河陽行及新鄉爲爽軍逆擊敗之 按朱瑄傳鄆帥薛崇爲王仙芝所殺鄆將崔君裕權知州事全晟知其兵寡襲殺君裕據鄆州自稱留後光啓初韓簡欲兼并曹鄆以兵濟河全晟出兵逆戰死之瑄收合殘卒保州城然則君裕權知鄆州乃在全晟之前全晟襲君裕而代之非全晟死而君裕爲之守也全晟旣死保鄆州者乃朱瑄

非君裕此傳殊疏謬矣兩傳卷第相連不知何以抵
牾若此

羅宏信傳

子威 當云紹威脫紹字

王重榮傳

乾寧初重盈卒 據唐會要重盈在僖昭兩朝皆在使
相之列重盈子珙亦昭宗朝使相也而傳皆不書

朱溫初伏鎮定 舊書例稱朱全忠獨王珂王處直兩
傳稱朱溫

諸葛爽傳

明年正月簡爲牙軍所殺 據此傳韓簡以中和元年十一月爲爽所敗二年正月爲牙軍所殺而韓簡傳云簡爲爽軍擊敗單騎奔迴疽發背而卒時中和元年十一月也則簡但以兵敗病死非爲牙軍所害其年月亦異僖宗紀亦云簡爲部下所殺而書于中和三年二月其互異如此

宦官傳

田令孜 爲予報令公建至此無所歸也 僖宗紀中和三年七月賜陳敬瑄鐵券已稱守太尉同平章事此傳王建稱敬瑄爲令公蓋昭宗嗣位之始加至中

書令也

酷吏傳

王旭 曾祖珪貞觀初爲侍中尚永寧公主 按珪封

永寧郡公未嘗尚主尚南平公主者珪之子敬直也

儒學傳

蓋文達 文懿者貝州宋城人 宋城當作宗城

文苑傳

袁朗 朗十三代祖漢司徒湯 此敘袁氏先世百六

十餘言冗雜無當大意謂琅邪王氏世有台輔不若

袁氏之世篤忠貞也

賀知章

知章與越州賀朝萬齊融揚州張若虛邢巨

按下文云朝萬止山陰尉齊融崑山令若虛兗州兵曹巨監察御史皆舉其名今鄞縣有育王寺常住田碑祕書監正字萬齊融撰蓋賀朝萬一人萬齊融又一人也傳脫一萬字

李白

山東人 山東非唐時州縣之名杜甫詩雖有

山東李白之稱不可以入史也白旣家任城卽當云任城人矣李琪傳云山東甲姓盧士玫傳云山東右族其失與此同

李商隱

大中末仲郢坐專殺左遷商隱廢罷還鄭州

按柳仲郢節度東川時商隱在其幕府以仲郢傳
攷之則云大中年轉劍南東川節度使在鎮五年美
績流聞徵爲吏部侍郎非坐事左遷也其坐決賊吏
過當左遷則在鎮山南西道時其紀年爲咸通非大
中末商隱亦不在幕矣

隱逸傳

王績 兄通字仲淹隋大業中名儒號文中子自有傳
按通名附其孫勃傳非自有傳也

列女傳

宋庭瑜妻魏氏 隋著作郎彥泉之後也 彥泉當是

彥淵避唐諱追改

突厥傳

西有歌羅祿北有結骨 歌羅祿亦作葛邏祿聲之轉

也

黃巢傳

召故相駙馬都尉于琮於其第琮曰吾唐室大臣不可
佐黃家草昧加之老疾賊怒令誅之廣德公主并賊
號眺而謂曰予卽天子女不宜復存可與相公俱死
是日并遇害 此事已見于琮傳

楊復恭露布獻捷于行在陳破賊事狀 復恭露布七

百餘言已載僖宗紀而巢傳又重出之當存此而刪
彼

忠武黃頭軍使廳從等三十都 僖宗紀作三十二都
廳從卽廳師古也